

Skupština Kantona Sarajevo

Admela Hodžić, zastupnica u Skupštini Kantona Sarajevo

Sarajevo, 14.11.2025. godine

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

N/r predsjedavajućeg

Vlada Kantona Sarajevo

N/r premijera

Ministarstvo za odgoj i obrazovanje Kantona Sarajevo

ZASTUPNIČKA INICIJATIVA

Na osnovu čl. 106. i 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) podnosim inicijativu Vladi Kantona Sarajevo i Ministarstvu za odgoj i obrazovanje Kantona Sarajevo da se poništi konkurs za prijem radnika u javnim ustanovama, osnovnim i srednjim školama u Kantonu Sarajevo - Javni konkurs za prijem radnika u osnovnim i srednjim školama kao javnim ustanovama na području Kantona Sarajevo, objavljen 27.10.2025. godine na web stranici ministarstva.

OBRAZLOŽENJE

Podnosim ovu inicijativu iz razloga što mi se obratio veliki broj nastavnika djece naših boraca, koji su aplicirali na konkurs. Pritužba se odnosi na to, da im digitalni pravilnik nije omogućio da koriste svoja zakonska prava kao pripadnici boračke populacije, na način da im je onemogućeno da unesu periode kada su im članovi porodice bili pripadnici Armije RBiH,, ako je bilo više navedenih perioda u uvjerenjima o učešću u Armiji. S obzirom na činjenicu da je tu nepravdu nemoguće ispraviti u toku konkursa, a riječ je o djeci najzaslužnijih što imamo našu domovinu, podnosim inicijativu da se javni konkurs za prijem radnika u osnovnim i srednjim školama poništi.

Dobila sam dopis SSVOONK BiH Kantonalni odbor Kantona Sarajevo naslovljen kao “Zahtjev za poništenje javnog konkursa”, u kojem također navode propuste na štetu

boračke populacije i druge ozbiljne primjedbe kojima argumentirano dovode u pitanje zakonitost ovakve procedure konkursa. Zabrinjavajući je navod da se nezakonitim prenosom ovlasti na članove Komisija u školama, iste doveli u poziciju da rade mimo nadležnosti koje im propisuje pravilnik, što ih može dovesti u nezgodnu situaciju u slučaju izvjesnih sudskih epiloga. Također, nastavnici su mi dostavili zahtjev Samostalnih sindikata osnovnog obrazovanja i odgoja FBiH –Kantonalnog odbora sindikata osnovnog obrazovanja i odgoja Kantona Sarajevo, kojim traže poništenje javnog konkursa za prijem radnika u osnovnim školama, jer sistem nije pokazao samo jedan problem prilikom apliciranja na konkurs već se radi o više nedostataka u sistemu.

„Zahtjev za poništenje javnog konkursa za prijem radnika u osnovnim školama dostavlja se.

„SAMOSTALNI SINDIKAT OSNOVNOG OBRAZOVANJA I ODGOJA FEDERACIJE BOSNE I HERCEGOVINE“-Kantonalni odbor Samostalnog sindikata osnovnog obrazovanja i odgoja Kantona Sarajevo zaprimio je mnogo dopisa od strane kandidata koji su aplicirali na javni konkurs za prijem radnika u osnovnim školama na području Kantona Sarajevo, a čija se prijava vršila putem Modula.

Kandidati su svoje nezadovoljstvo iskazali i ukazali na nefunkcionisanje elektronskog sistema prijema radnika. Posebno ističu da će zbog ovakvog načina prijema radnika biti oštećeni, jer će biti bez posla, a sve iz razloga jer im dokumentacija nije uredno verifikovana. Ukazuju da sistem nije praktičan i provodiv.

Smatramo da se prije objavljivanja konkursa trebalo pristupiti usklađivanju propisa kao i donošenju posebnog akta kojim će se definisati profil i stručna sprema. Opreza radi, želimo ukazati da će mnogi radnici biti primorani da podnose prigovore, žalbe, inspekcijske zahtjeve i u krajnjoj liniji pokreću sudske postupke.

Imajući u vidu naprijed navedeno, ovim putem dostavljamo predmetni zahtjev i očekujemo da ćete se hitno i bez ikakvog odlaganja uključiti u rješavanje problema.“

Zbog svega navedenog molim nadležne da što prije razmotre ovu inicijativu.

Admela Hodžić